

نور البيت فارغت روحه بالأحزان روعي مجروحه
والذكرى من تمر ما ينظفي الجمر روعي مجروحه

عبر سرب الحنين بساعة اللفه
ولا راضي الجفن بزيارته يغفي
تمر اسنين وروحي امن الألم كلفه
جمر شاعل فلا يبرد ولا يظفي

طيف افراغ بالكلب نازف وسيل ادموع بالألم جارف
من غيبة الحمى يا خذني الضمى روعي مجروحه

يظل حضن الأبوا لرويحته غيمه
يظل بالحنان وبالشدد خيمه
إذا جار الدهر في غدره وضميه
يظل سد المنيع وصاحب الشيمه

عينه اسراج تضوي العيله مهما طال بالزمن ليله
ركن الهدى غفى وبس نوره انظفي روعي مجروحه

أنوب ابهمي كلبني ينزف اصوابه
إذا كالأوا (يتيم) وفاكسد احبابه
تحس البيت بارد منخلع بابيه
وإذا غاب الأبوا من يجبر امصابه

صعبه انكول ساكن بحفره لا مآتهون ساعة العشره
موجوعه يازمن تأسرني المحن روعي مجروحه

لفاني العيـد بسس واخجـاتي منه
على بابي وگف والبسمة يتمنى
يظل معذور مثلي لو كثر حزنه
لأنني طير ولكن فارگ الجنه

لا مَ ايطيب خاطر الثاكل همي موج مالگى ساحل
يطبگ عليّ غمّ يناديني الألم روعي مجروحه

مثل حيدر مثل طلاته واوصافه
اليفگده اشلون بالله ايطيب ويتعافى
غزاني الشيب ودهري جرد اسيافه
ورماني بالوجع من غدره اجلافه

نعش ايلوح والأمل يرحل شيعناه والجزع حوّل
وسط الثرى انزرع نبت الأسى طلع روعي مجروحه

أحن الـ چف ابويه تمسح براسي
وأحن لـ أنفاسه لمن تصحب انفاسي
أحن الـ صوته لمن يرهف أحساسي
وأحن الـ حضنه لمن يحضر يواسي

بس يا حيف طالت الفرگه حامى الجار بالثرى ييگى
ما ينفع العتب وفي صفحتي انكتب روعي مجروحه